

Nefndarsvið Alþingis
b.t. efnahags- og viðskiptanefndar
nefndarsvið@althingi.is

Reykjavík 10. maí 2016

Efni: Umsögn um þingskjal nr. 1096 – 668. Mál um frumvarp til laga um breytingu á ýmsum lögum til að styðja við fjármögnun og rekstur nýsköpunarfyrirtækja og smærri fyrirtækja í vexti.

Nýsköpunarmiðstöð Íslands fagnar frumvarpi fjármálaráðherra um breytingu á lögum til að styðja við fjármögnun og rekstur nýsköpunarfyrirtækja og smærri fyrirtækja í rekstri. Frumvarpið felur í sér talsverðar umbætur á rekstrarumhverfi fyrirtækja sem eykur samkeppnishæfni þeirra og gerir Ísland ákjósanlegra fyrir fyrirtæki sem byggja á rannsóknnum, þróunarstarfi og nýsköpun. Meginmarkmið laganna hlýtur einmitt að vera að auka samkeppnishæfni íslensks atvinnulífs og skapa nýsköpunar- og sprotafyrirtækjum hagstæð vaxtarskilyrði í alþjóðlegu samkeppnismuhverfi.

Nýsköpunarmiðstöð Íslands hefur lengi bent á nauðsyn þess að hækka umtalsvert eða afnema þak á endurgreiðslu kostnaðar við rannsóknir og þróun til að gera landið samkeppnishæft á alþjóðamarkaði. Forsvarsmenn fyrirtækja leita að sjálfsögðu að hagstæðasta umhverfinu fyrir nýsköpun og þróunarstarf og því þurfum við að huga vel að þeim skattalegu hvötum sem og öðrum innviðum sem fyrirtækin leita eftir þegar framtíðarstaðsetning er valin. Öll viljum við að hér á landi verði fjölbreytt fyrirtækjaflóra sem byggir á öflugu hugviti og býður upp á eftirsóknarverð vel launuð störf til framtíðar.

Nýsköpunarmiðstöð styður aðgerðir sem auðvelda fyrirtækjum sem stunda rannsóknir og nýsköpun að ráða til sín sérhæft starfsfólk. Þá telur Nýsköpunarmiðstöð að breytingar á skattlagningu kaupréttar hlutabréfa og umbreytanlegra skuldabréfa á fyrstu stigum reksturs geti stuðlað að því að auðvelda vöxt nýsköpunarfyrirtækja. Fram eru komnar athugasemdir frá fjármálaráðuneyti og ríkisskattstjóra þar sem vakin er athygli á mikilvægi þess að skekkja ekki samkeppnisstöðu fyrirtækja á almennum markaði. Nýsköpunarmiðstöð tekur undir sjónarmið sem þar koma fram en bendir á mikilvægi þess að skapa fyrirtækjum sem stunda nýsköpun sem felur í sér rannsóknir og þróunarstarf samkeppnisaðstæður sem standast alþjóðegan samanburð.

Við hvetjum ríkisstjórn landsins til góðra verka og vonum að þetta frumvarp verði afgreitt sem fyrst í gegnum nefnd og Alþingi.

F.h. Nýsköpunarmiðstöðvar Íslands



Þorsteinn Ingi Sigfússon,
forstjóri